

## **DA ZWEIFÖ IM GLAUBM<sup>1</sup>**

**Herrgott - des Glaubm  
is gar net so leicht.  
I kimm oft ins Zweifön,  
han di net erreicht.**

**Di kaun ma net messn,  
net sehgn und net hörn,  
und denna bist da,  
ah waun ma ins wehrn.**

**I gspür´s in mir drinn:  
I bi nia alloa.  
Und do gibt´s de Zweifö,  
was kaun ih da toa?**

**I suach nu mein Weg,  
ganz zuwi za dir,  
und woaß, dassd´ma hüfst  
ganz tiaf drinn in mir.**

**Es braucht gar koa Wunder,  
i woaß, du bist da.  
I brauch nur mein Zeit,  
daun sag i gern JA!**

---

<sup>1</sup> Gabi Bauer, Dörnbach